

يالرضا انجيلك بالآمال وانت تعرف شنهو بالحال
صرخة تصدح بالسنين يا إمام المتّقين

* * * * *

جيتك ابو محمّد واريّد ابجيّتي امّراد
ومنه مشفت الراحة مرّة ابنوم لوساد
عدنا يبن خير الملا ابلسجون اولاد
بالله توسّل يالرضا تنفكّ الاصفاد

باسم الرضا دعينا وخفّ الألم علينا
وكلمن نزل عنده يروح او قلبه اسكينه
طُنبّة مهّي ثقيلة ولا ماهي مستحيّلة
وانت الوسيلة الراجحة يا با الحسن إينه

عانينا البلا اشكثر واتسلّحنا بالصبر

مو بس عالأسر تذرف مدامع بالعيون

هذي البلوة شي صعّب شبّان او تحت ترُب

راحوا بالعجل ، ما ظنّتي باجر يجون

من أشوف ابحلمتي شاب او طلع من غربته

فاتح لي باعه ابفرحه لكن قلبه مفطور

اقعد ابفزعه او ألم و اتذكّر ابهمّ محنته

ظلمة او مناخة اوغربة تصبح تحت لقبور

واحنا بالمشافي نندب المشافي يا مشافي عافي كلمن به علّه

هالمهج مروعه خايفة او جزوعه خايفة م توعى لينا الأهله

بالرضا انتوسّل ندري عنده الحل و انه حلنا الامثل عنده اهيه سهله

و الرضا ابدعائه لله ايسمائه يرتفع بلائه وكل الشكر له

نحلفك بجّدك رسول الله او أبو الأطياب

الفي غربة تردّه وتقّرّ اعيونه ابالأحباب

يالرضا انجيلك بالآمال وانت تعرف شنهو بالحال
صرخة تصدح بالسنين يا إمام المتّقين

لمن طلع ابن الهدى قاصد خراسان
طلعت وراه الحور و الأملاك و الجان
عنده يقين ابذبحته من حبّ رمان
لكن إلى دين النبي يرخص كل انسان

رايح إلى المنيّة و ابروحته الزجّيّة
تصرخ تنادي يا علي ليش البلا يلزمك

واتنادي بالمناحة يوليدي بالبجاجة
تقضي ابألم و أنا انظرك ، إرحم مشاعر أمك

من وصل أبو الحسن و اتباعد عن الوطن
بدّت غربته او لاحت مصايب واضحه
مأمون الغدر أمر هاتوا خيرة البشر
رايد أذبحه وانصب عليه الفاتحه
والتقى ابأبو الصلت أو خبّره ابخطب جلي
قال الغطا لو غطّي راسي لا تحاجين
والرضا في هالأمر قايل أنا من دم علي
مثل الأبوا أفضي ابألم محلاته للدين

أنا كل سنيني أفندي لديني حتى لو ونيني يهدم أصوله
دهري لا ميرحم وللنهاية أهضم سمّ او غربة واعلم هذي مهوله
جاهز البلائه وادري بالإسائه منه او عدائه لهل البطوله
يعني لو يسمني أنا ما يهمني لكن اليهمني صوت البتوله
يسمّك يألّمك و اصيح ابحسرتي
يروحي عذابك يفتّر مهجتي